

取

學

軒

步

書

弟

卯

集

聚學軒叢書第四集目錄

貴池劉世珩校刊

周易虞氏略例一卷

李銳

周易倚數錄二卷附圖一卷

楊履泰

周禮補注六卷

呂飛鵬

說文解字通正十四卷

潘奕雋

說文管見三卷

胡秉虔

小爾雅義證十三卷

胡承珙

周公年表一卷

牟庭

元耶律文正公西游錄略注補一卷

李文田
范壽金

隨唐石刻拾遺二卷

黃本驥

括蒼金石志補遺四卷

鄒柏森

太玄闡祕十卷

陳本禮

交翠軒筆記四卷

沈濤

退餘叢話二卷

鮑倚雲

聚學軒叢書第四集第一

周

易

虞

氏

咎

儆

一

齋

周易虞氏略例

聚學軒叢書第四集

元和李 銳著

貴池劉世珩校刊

日月爲易第一

繫上唯神也故不疾而速不行而至注云神謂易也謂日月斗在天日行一度月行十三度從天西轉故不疾而速星寂然不動隨天右周感而遂通故不行而至者也繫下易者象也注云謂日月在天成八卦象縣象著明莫大日月是也

說文易秘書說日月爲易象陰陽也釋文引虞注云字從日下月繫注云易謂日月在天成八卦象所謂日月爲易也繫曰易有大極是生兩儀注云大極大

一也鄭康成云大一者北辰之神名也居其所曰大
一常行於八卦日辰之間曰天一虞所謂星寂然不
動者卽鄭所謂居其所曰大一也感而遂通者卽常
行於八卦日辰之間曰天一也


日月在天成八卦弟二

坤三三象西南得朋乃與類應東北喪朋乃終有慶注
云此指說易陰陽消息之大要也謂陽月三日變而成
震出庚至月八日成兌見丁庚西丁南故西南得朋二
十九日消乙入坤滅藏於癸乙東癸北故東北喪朋蹇
三三象蹇之時用大矣哉注云謂坎月生西南而終東
北震象出庚兌象見丁乾象盈甲巽象退辛艮象消丙

坤象窮乙喪滅於癸終則復始以生萬物故用大矣繫
上在天成象注云謂日月在天成八卦震象出庚兌象
見丁乾象盈甲巽象伏辛艮象消丙坤象喪乙坎象流
戊離象就已故在天成象也又縣象著明莫大乎日月
注云謂日月縣天成八卦象三日暮震象出庚八日兌
象見丁十五日乾象盈甲十七日巽象退辛二十三日
艮象消丙三十日坤象滅乙晦夕朔旦坎象流戊日中
則離離象就已戌巳土位象見於中日月相推而明生
焉故縣象著明莫大乎日月者也繫下八卦成列象在
其中矣注云乾坤列東艮兌列南震巽列西坎離在中
故八卦成列則象在其中說卦水火不相射注云謂坎

離水火相通坎戊離已月三十日一會於壬故不相射也

日月在天成八卦象



月易月五日 二
三日暮暮卽月令所謂昏推步家以日入二刻半爲
昏土昏禮鄭目錄云日入三商爲昏是也其時日在
西月在庚月向日三分之一生光在下象震初陽爻
背日三分之二無光在上象震二三陰爻故曰震象
出庚八日暮日在西月在丁月向日三分之二有光
在下象兌初二陽爻背日三分之一無光在上象兌
三陰爻故曰兌象見丁十五日暮日在西月在甲日
月相望月三分皆有光象乾三爻皆陽故曰乾象盈
甲十七日旦旦亦謂之明推步家以日出前二刻半
爲明其時日在東月在辛月背日三分之一無光在
下象巽初陰爻向日三分之二有光在上象巽二三

陽爻故曰巽象退辛二十三日旦日在東月在丙月
背日三分之二無光在下象艮初二陰爻向日三分
之一有光在上象艮三陽爻故曰艮象消丙二十九
日旦日在東月在乙日月同度月三分皆無光象坤
三爻皆陰故曰坤象滅乙晦夕朔旦以陽通陰象坎
上下二爻陰中一爻陽日中則離以陰通陽象離上
下二爻陽中一爻陰故曰坎象流戊離象就已參同
契曰三日出爲爽震受庚西方八日兌受丁上絃平
如繩十五乾體就盛滿甲東方十六轉受統巽辛見
平明艮直於丙南下弦二十三坤乙三十日東北喪
其朋壬癸配甲乙乾坤指始終又曰坎戊月精離已

日光日月爲易剛柔相當土王四季羅絡始終青赤
白黑各居一方皆稟中宮戊己之功此皆虞氏之所
自出也又此卽納甲法也京房易傳曰分天地乾坤
之策益之以甲乙壬癸震巽之象配庚辛坎離之象
配戊己艮兌之象配丙丁謂乾納甲壬坤納乙癸震
納庚巽納辛坎納戊離納己艮納丙兌納丁

乾第三

小畜三三初九復自道注云乾稱道也 大壯三三六

五喪羊于易注云乾爲易

釋文云于易鄭音亦鄭易贊云易含三義易簡一也變易

二也不易三也是易簡變易漢儒無二讀

繫上繼之者善也注云繼統也謂

乾能統天生物

繫下其取類也大注云謂乾陽也爲

天爲父觸類而長之故大也 又其道甚大注云大謂乾道 又此之謂易之道也注云乾稱易道 說卦是故易逆數也注云易謂乾

右乾卦

乾三三文言乾元者始而亨者也注云乾始開道以陽通陰故始通 坤三三元亨利牝馬之貞注云謂陰極陽生乾流坤形坤含光大凝乾之元終於坤亥出乾初子品物咸亨故元亨也 无妄三三三元亨利貞注云剛來交初體乾故元亨 大過三三三象君子以獨立不懼遯世无悶注云陽伏巽中體復一爻潛龍之德故稱獨立不懼乾初同義故遯世无悶也 巽三三三初六象志

治也注云乾元用九而天下治是其義也 繫上聖人有以見天下之賾注云賾謂初 又言天下之至賾而不可惡也注云至賾無情陰陽會通品物流宕以乾簡坤易之至也元善之長故不可惡也 又易有大極注云大極大一也 繫下天下之動貞夫一者也注云一謂乾元萬物之動各資天一陽氣以生故天下之動貞夫一者也 又復德之本也注云復初乾之元故德之本也 又是故變化云爲吉事有祥注云祥幾祥也吉之先見者也陽出變化云爲吉事有祥謂復初乾元者也 雜卦兌見而巽伏也注云巽乾初入陰故伏也

右乾元

乾三三文言聖人作而萬物覩注云聖人則庖犧德合
乾五 隨三三九五象位中正也注云凡五言中正中
正皆陽得其正以此爲例矣 離三三象大人以繼明
照于四方注云陽氣稱大人則乾五大人也 夬三三
孚號有厲注云陽在三五稱孚 萃三三象君子以除
戎器戒不虞注云除修也陽在三四爲修 繫上卑高
以陳貴賤位矣注云乾高貴五 又崇高莫大乎富貴
注云謂乾正位於五 繫下其衰世之意邪注云三稱
盛德上稱末世乾終上九故稱亂世陽出復震入坤出
坤故哀世之意邪 又易之興也其當殷之末世周之
盛德邪注云末世乾上盛德乾三也 說卦乾西北之

卦也注去乾剛正五月十五日晨象西北徵西北之卦

右乾之五蓋上

又乾之五蓋上

六十四卦皆託始於乾坤故曰大哉乾元萬物噴始
又託始於乾故曰乾知大始乾又託始於乾元故曰
大哉乾元萬物資始萬物皆賴以生即大極大一也亦曰
夫故曰天下之動與夫一者也春秋五篇一曰元
年公羊傳曰元年者何君之始年也何休云繫一爲
元元者氣也無形以起有形以分造起天地天地之
始也即乾元之義也帝出乎震乾出復初故復初爲
乾之元乾二始觸陰當升五爲君五正乾剛位乎天
位乾二五之坤成坎經曰習坎有孚故陽在二五稱

爭分六位爲三才初二爲地道三四爲人道五上爲天道九三君子終日乾乾鄭康成云有乾德而在人道君子之象文言於九三九四皆曰君子進德脩業故三稱盛德陽在三四爲修上九乾道已終坤道將始盈不可久大過本末弱初爲本上爲末故上稱末世此乾六位之義也臨二注云體復初元吉復初卽乾元臨二卽乾二是乾二亦乾元也泰注云從三至上體復泰二體復初泰三卽乾三是乾三亦乾元也三息成乾因而重之爲六畫然則乾之六位皆乾元也至哉坤元凝乾之元也大過象注元體復一爻潛龍之德乾初同義是坤元亦乾元也以隅反之則坤

之六位亦皆乾元也然則六十四卦皆乾坤也皆乾也三百八十四爻皆乾元也

消息第四

復 ䷗ 注云陽息坤

姤 ䷫ 注云消卦也

臨 ䷒ 注云陽息至二

遯 ䷠ 注云陰消姤也

泰 ䷊ 注云陽息坤

否 ䷋ 注云陰消乾

姤 ䷫ 注云陽息泰也

觀 ䷓

夬 ䷪ 注云陽決陰息卦也剝 ䷖ 注云陰消乾也

乾 ䷀

坤 ䷁

右息卦六

右消卦六

凡消息之卦十二

剝三三彖君子尙消息盈虛注云乾息爲盈坤息爲虛
故君子尙消息盈虛 復三三出入無疾注云謂出震
成乾入巽成坤坎爲疾十二消息不見坎象故出入無
疾 繫上易簡而天下之理得矣注云易爲乾息簡爲
坤消 又變通配四時注云謂十二月消息也泰大壯
夬配春乾姤遯配夏否觀剝配秋坤復臨配冬謂十二
月消息相變通而周於四時也 繫下剛柔相推變在
其中矣注云謂十二消息九六相變剛柔相推而生變
化故變在其中 又寒往則暑來注云謂陰息陽消從
姤至否故寒往暑來也暑往則寒來注云陰出陽信從
復至泰故暑往寒來也 又夫易彰往而察來而微顯

闡幽注云微者顯之謂從復成乾是察來也闡者幽之
謂從姤之坤是彰往也說卦數往者順注云謂乾消
從午至亥上下故順也知來者逆注云謂乾息從子至
巳下上故逆也

自復至乾爲息自姤至坤爲消乾息則坤消乾消則
坤息易爲乾道故消息皆主乎乾也此於六日七分
爲十二月辟卦復十一月臨十二月泰正月大壯二
月夬三月乾四月姤五月遯六月否七月觀八月剝
九月坤十月夫子傳彖象用夏家月故云泰大壯夬
配春乾姤遯配夏否觀剝配秋坤復臨配冬也京房
上封事曰辛酉以來少陰倍力而乘消息孟康云房

以消息卦爲辟辟君也消卦曰大陰息卦曰大陽其餘卦曰少陰少陽爲臣下也并力雜卦氣于消息也然則此十二卦謂之消息餘卦謂之雜卦鄭康成注月令云四月於消息爲乾注乾鑿度云消息於雜卦爲尊繫曰往來不窮謂之通荀爽云十二消息陰陽往來無窮已故通也漢儒皆以此十二卦爲消息虞亦同之故云十二消息不見坎象又云謂十二月消息也又云謂十二消息九六相變也未嘗言六十四卦皆消息也張惠言舉文著周易虞氏消息謂八卦消息成六十四非也

臨觀否泰遯大壯例第五

明三三注云臨二之三

升三三注云臨初之三

解三三注云臨初之四

震三三注云臨二之四

右從臨來者四卦

晉三三注云觀四之五

萃三三注云觀上之四也

坎三三注云觀上之二

艮三三注云觀五之三也

蹇三三注云觀上反三也

屯三三

蒙三三

頤三三注云晉初之四反復不衰與乾坤坎離小過

中孚同義故不從臨觀四陰二陽之例

遯三三

注云晉上之三當從四陰二陽之例臨陽未至三而

觀四已消也故知從晉來

右從觀來者五卦

附坎艮來之卦各一晉來之卦二

已上臨觀四陰二陽例

隨三三三注云否上之初

噬三三三注云否五之坤初

坤初之五

咸三三三注云

坤三之上成女乾三之上成男

益三三三注云否上之初也

困三三三注云否二之上

渙三三三注云否四之二

漸三三三注云否三之四

濟三三三注云否二之五也

豐三三三注云此卦三陰三陽之例當從泰二之四而

豐從噬嗑上來之三折四於獄中而成豐

右從否來者八卦

附噬嗑來之卦一

蠱三三三注云泰初之上

井三三三注云泰初之五也

賁三三三注云泰上之乾一

乾二之坤上

歸妹三三三注云泰三之四

恒三三三注云乾初之坤四 節三三三注云泰三之五

損三三三注云泰初之上 濟三三三注云泰五之二

旅三三三注云賁初之四否三之五非乾坤往來也與

噬嗑之豐同義

右從泰來者八卦 附賁來之卦一

已上否泰三陰三陽例

訟三三三注云遯三之二也 姤三三三注云遯上之初

離三三三注云遯初之五 蹇三三三注云遯初之四也

革三三三注云遯上之初 巽三三三注云遯二之四

學三三三注云訟四之初也此當從四陽二陰之例遯

陰未及三而大壯陽已至四故從訟來

右從遯來者六卦 附訟來之卦一

需 ䷄ 三三注云大壯四之五 畜 ䷋ 三三注云大壯之上

遯 ䷠ 三三注云大壯五之初或說三之五 按頤小過中孚大過四卦皆反

復不衰頤小過皆從晉來依例推之則大過中孚當皆從訟來說字疑當作訟字

睽 ䷥ 三三注云大壯上之二 鼎 ䷱ 三三注云大壯上之初

兌 ䷹ 三三注云大壯五之三也

右從大壯來者六卦

已上遯大壯四陽二陰之例

隨 彖曰剛來而下柔 蠱 彖曰剛上而柔下 噬嗑 彖曰剛柔分柔得中而上行 賁 彖曰柔來而文剛分剛上而文柔凡此之等皆虞例之所本也 臨 觀 否 泰 遯 大

壯六卦否坤下乾上泰乾下坤上臨兌下坤上初一
乾象半見觀坤下巽上五上乾象半見遯艮下乾上
初二坤象半見大壯乾下震上五上坤象半見此六
卦皆有乾坤象升降上下而成各卦是故此各卦者
乾坤之往來也其法例以一爻易一爻無易兩爻者
小過注云臨陽未至三而觀四已消故從晉來假令
臨陽已至三則初之四而成小過令之觀四未消則
土之三而成小過今臨陽在初二觀陽在五上而小
過陽在三四不得從臨觀之例故別從晉來中孚注
云遯陰未及三而大壯陽已至四故從訟來假令遯
陰及三則初之四而成中孚令之大壯陽不至四則

上之三而成中孚今遯陰在初二大壯陰在五上而中孚陰在三四不得從遯大壯例故別從訟

乾二五之坤成坎坤二五之乾成離第六

坎三三注云乾二五之坤 離三三注云坤二五之乾

象明兩作注云兩謂日與月也乾五之坤成坎坤二之乾成離離坎日月之象故明兩作離 繫上是故剛柔

相摩八卦相盪注云乾以二五摩坤成震坎艮坤以二五摩乾成巽離兌故剛柔相摩則八卦相盪也 又易

之象也注云象謂乾二五之坤成坎月離日日月爲象

又顯道神德行注云乾二五之坤成離日坎月日月在天運行照物故顯道神德行 又知變化之道者注

云在陽稱變乾五之坤在陰稱化坤二之乾 又是以
明于天之道而察于民之故注云乾五之坤以離日照
天故明天之道以坎月照坤故察民之故 又兩儀生
四象注云兩儀謂乾坤也乾二五之坤成坎離震兌震
春兌秋坎冬離夏故兩儀生四象 又四象生八卦注
云乾二五之坤則生震坎艮坤二五之乾則生巽離兌
故四象生八卦 繫下剛柔雜居而吉凶可見矣注云
乾二之坤成坎坤五之乾成離故剛柔雜居離有巽兌
坎有震艮八卦體備故吉凶可見矣

參同契曰坎離者乾坤二用二用無爻位周流行六
虛乾以二五旁行流坤而成坎離坎離成而既濟定

所謂乾坤之用也乾二五之坤成坎坎二至四體震
三至五體艮故曰乾二五之坤則生震坎艮坤二五
之乾成離離二至四體巽三至五體兌故曰坤二五
之乾則生巽離兌乾鑿度曰乾坤相並俱生坎離亦
然乾象曰乾道變化謂乾變而坤化也不曰乾坤變
化而曰乾道變化者乾變則坤必化乾二五之坤成
坎則坤二五必至乾成離坎成卽離成故曰乾二五
之坤成坎震離兌也凡旁通之卦虞必合兩卦爲說
義亦通於此

旁通第七

師三三注闕

按注云同人離爲戈兵又云同人乾爲大君是旁通同人也

畜三三三注云與豫旁通

謙三三三注云與履旁通

比三三三注云與大有旁通

豫三三三注云與小畜旁通

履三三三注云與謙旁通

蠱三三三注云與隨旁通

同人三三三注云旁通師卦

頤三三三注云與遯旁通

畜三三三注云與夬旁通

離三三三注云與坎旁通

剝三三三注云與夬旁通

恒三三三注云與益旁通

復三三三注云與姤旁通

夬三三三注云與剝旁通

畜三三三注云與萃旁通

姤三三三注云與復旁通

頤三三三注云與大過旁通

革三三三注云與蒙旁通

坎三三三注云與離旁通

鼎三三三注云與屯旁通

乾二五之坤成坎坤二五之乾成離坎離者旁通之

本也虞於師比謙豫四卦不以剝復一陽五陰爲例
小畜履同人大有四卦不以姤夬一陰五陽爲例蓋
此八卦皆以乾之坤坤之乾而成皆有坎離象師內
體坎比外體坎同人內體離大有外體離謙二至四
豫三至五有坎象小畜四至五履二至四有離象離
注云乾二五之坤成坎體師象師卽坎也比注云師
二上之五比自師來卽自坎來也小畜注云需上變
爲巽巽本坎也履注云謂變訟初爲兌也兌本坎也
此八卦皆有坎離象則皆與坎離同義坎離旁通故
此八卦皆從旁通不從卦例也合六十四卦論之十
二消息乾坤消息也卦例所生各卦乾坤往來也坎

離及旁通八卦乾之坤坤之乾也以是知六十四卦皆乾坤也乾流坤形坤成乾性乾足以統坤以是知六十四卦皆乾也故曰乾爲易其非坎離及此八卦亦有云旁通者復姤夬剝四卦以一陽五陰一陰五陽之卦皆相與爲旁通故此四卦亦相與爲旁通也革鼎二卦以坎初至五體蒙二至上體屯離初至五體革二至上體鼎離旁通坎故革鼎旁通蒙屯也頤卦以大過體復一爻潛龍之德大過初至五體姤震陽入伏巽陰下所謂龍蛇之蟄也頤初至五體復頤一爻卽復一爻復旁通姤故頤旁通大過也大畜以一爻卽復一爻復旁通姤故頤旁通大過也大畜以豫四至坤初爲復復小故名小畜萃五之復二成臨

臨者大也故名大畜小畜旁通豫故大畜旁通萃也
臨卦則以經八月有凶周八月夏之六月於消息為
遯故旁通遯也蠱恒二卦以終變成隨益故旁通隨
益也六十四卦注言旁通者二十一皆有義例可尋
餘卦無取乎旁通故注不言旁通也

震巽特變弟八

下五爻俱變

三三六畜

蠱三三二先甲三日後甲三日注云與隨旁通謂初變成

乾乾為甲至二成離離為日謂乾三爻在前故先甲三

噬嗑三三三

日賁時也變三至四體離至五成乾乾三爻在後故後

六爻俱變

甲三日无妄時也 恒三三三利有攸往注云與益旁通

終變成益則初四二五皆得其正終則有始故利有攸

往也彖四時變化而能久成注云變至二離夏至三兌

秋至四震春至五坎冬故四時變化而能久成

按此注有誤說

見四時象具篇

六爻俱變

巽三三九五无初有終注云震巽相薄雷風

無形當變之震矣巽究爲躁卦故无初有終也先庚三

家人三三二

日後庚三日注云震庚也謂變初至二成離至三成震

震至庚離爲日震三爻在前故先庚三日謂益時也動

噬嗑三三二二二二

四至五成離終上成震震三爻在後故後庚三日也巽

初失正終變成震得位故无初有終吉震究爲蕃鮮白

謂巽也巽究爲躁卦謂震也與蠱先甲三日後甲三日

同義五動成蠱乾成於甲震成於庚陰陽天地之始終

故經舉甲庚於蠱彖巽五也說卦震其究爲健爲蕃鮮

注云震與相薄變而至三則下象究與四成乾故其究
爲健爲蕃鮮與究爲躁卦躁卦則震震雷與風無形故
卦特變耳 與爲近利市三倍注云變至三成坤坤爲
近四動乾乾爲利至五成噬嗑故稱市乾三爻爲三倍
故爲近利市三倍動上成震故其究爲躁卦八卦諸爻
唯震與變耳 其究爲躁卦注云變至五成噬嗑爲市
動上成震故其究爲躁卦明震內體爲專外體爲躁

乾天坤地坎月離日艮山兌澤六者皆有形唯震雷
與風無形故卦特變恒與下震上蠱初至五體恒亦
有震與象蠱終變成隨恒終變成益注皆云旁通此
旁通以震與特變爲義蓋旁通之變例也何以言之

旁通云者兩卦各居一旁兩相通易也鄭康成注聘
禮云旁相去三丈六尺謂末擯一旁末介一旁兩旁
相去也注考工記云旁出與七寸謂輿左一旁輿右
一旁兩旁各出也然則乾居一旁坤居一旁乾二五
之坤坤二五之乾兩旁相通而成坎離坎仍居一旁
離仍居一旁故謂之旁通至震巽特變震變爲巽巽
見於上則震伏於下巽變爲震震見於上則巽伏於
下兩卦重疊而不居兩旁徒以六爻皆變亦謂之旁
通故曰旁通之變例也

反弟九

泰三三注云反否也 否三三注云反泰也 觀三三

注云反臨也 明夷三三注云反晉也 漸三三注云
反成歸妹 頤三三注云反復不衰與乾坤坎離大過
小過中孚同義 繫下萬物化生注云損反成益萬物
出震故萬物化生也 序卦有男女然後有夫婦注云
咸反成恒震爲夫巽爲婦故有夫婦也

反者以上爲下以下爲上六爻俱到也其義出於序
卦序卦曰剝窮上反下雜卦曰否泰反其類也此反
之明文也大壯反遯需注云陰消至五遯臣將弑君
謂大壯五體遯二也觀反臨注云臨陽至二天下文
明反上成觀進顯天位謂觀五體臨二也姤反夬注
云三夬之四謂姤三體夬四也未濟反旣濟注云四

在坤中體既濟離三謂未濟四體既濟三也皆以反爲說也同人注云同人反師此反謂旁通與六爻皆到義別六十四卦反亦旁通者隨蠱漸歸妹是也反亦兩象易者需比訟師同人大有晉明夷是也旁通亦兩象易者咸恒損益是也反亦旁通亦兩象易者否泰既濟未濟是也

兩象易第十

繫下易之以宮室蓋取諸大壯注云无妄兩象易也易之以棺槨蓋取諸大過注云中孚上下易也易之以書契蓋取諸夬注云履上下易象也大壯大過夬此三蓋取直兩象上下相易故俱言易之

需乾下坎上荀爽曰乾雖在下終當升上又曰雲須時欲降乾須時當升又曰乾升在上居位以定坎降居下當循臣職此卽上下易象也虞氏繫注蓋本於荀

半象第十一

需三三九二小有言注云四之五震象半見故小有言訟三三初六小有言注云謂初四易位成震言三食舊德震象半見故小有言小畜三三密雲不雨注云需坎升天爲雲墜地稱雨上變爲陽坎象半見故密雲不雨說卦兌爲澤注云坎象半見故爲澤

復象注云先王謂乾初是一爻稱乾也晉象注云君

子謂觀乾觀乾卽臨乾是兩爻稱乾也復小陽潛臨者大也於算術三分之一爲少半三分之二爲大半是一爻二爻皆得稱半緣六子之卦一爻不足以見象故以兩爻爲半象

體弟十二

乾三三九五飛龍在天注云謂四已變則五體離離爲飛

四變則三四五三爻成離此以三至五三爻體一卦它皆準此

又彖雲行雨施注云已成既濟上坎爲雲下坎爲雨既濟二三四三爻爲下坎此以二至四三爻體一卦

它皆準此

已上三才之卦

蒙三三匪我求童蒙童蒙求我注云二體師象

初二三三爻爲坎三四五三爻爲坤坎下坤上成師
此以初至五五爻體一卦

又象蒙以養正注云體頤故養

二三四三爻爲震四五上三爻爲艮震下艮上成頤
此以二至上五爻體一卦

師三三象君子以容民畜眾注云五變執言時有頤養
象故以容民畜眾矣

五變則二三四三爻爲震三四五三爻爲艮震下艮

上成頤此以二至五四爻體一卦

小畜三三象君子以懿文德注云初至四體夬爲書契
初二三三爻爲乾二三四三爻爲兌乾下兌上成夬
此以初至四四爻體一卦

泰三三九三无往不復注云從三至上體復象

三四五三爻爲震四五上三爻爲坤震下坤上成復
此以三至上四爻體一卦

已上六畫之卦

需三三象君子以飲食宴樂注云二失位變體噬嗑爲
食

二變則初至五體噬嗑初二震象半見

同人三三九四乘其墉弗克攻注云變而承五體訟乾剛在上故弗克攻

四變則二至上體訟五上乾象半見

豫三三利建侯行師注云三至上體師象

二至上體師五上坤象半見

隨三三上六王用享于西山注云有觀象故亨

二至五體觀二三坤象半見

蠱三三象君子以振民育德注云體大畜須養故以育德也

二至上體大畜二三乾象半見

歸妹三三六三歸妹以須注云初至五體需象

初至五體需初二乾象半見

豐三三上六豐其屋注云二至上體大壯屋象

三至上體大壯初二乾象半見

渙三三上九象遠害也注云體遯象故遠害也

三至上體遯五上乾象半見

小過三三九四象終不可長也注云體否上傾故終不可長矣

三至上體否三四乾象半見五上坤象半見

已上半象

此卽鄭康成宋衷荀爽九家所謂互體也凡卦六爻

體三才之卦四

本體二互體二

六畫之卦六

本體一互體五

加以半

象則所體愈多特虞注未備耳尙書金縢曰體王其
罔害周禮大卜職曰其經兆之體皆百有二十占人
職曰君占體注云體兆象也彼言龜卜故云兆象然
則此言體者謂卦象也

四時象具弟十三

乾三三文言後天而奉天時注云震春兌秋坎冬離夏
四時象具故後天而奉天時 大有三三象應乎天而
時行注云大有亨比初動成震爲春至二兌爲秋至三
離爲夏坎爲冬故曰時行 豫三三象而四時不忒注
云動初時震爲春至四兌爲秋至五坎爲冬離爲夏四
時爲正故四時不忒 隨三三象而天下隨時注云震

春兌秋三四之正坎冬離夏四時位正時行則行故天
下隨時矣 觀三三彖而四時不忒注云臨震兌爲春
秋三上易位坎冬離夏日月象正故四時不忒也 賁
三三彖以察時變注云泰震春兌秋賁坎冬離夏故以
察時變矣 恒三三彖四時變化而能久成注云變至
二離夏至三兌秋至四震春至五坎冬故四時變化而
能久成 益三三彖與時偕行注云上來益三四時象
正故與時偕行也 升三三彖柔以時升注云二當升
五虛震兌爲春秋二升坎離爲冬夏四時象正故柔以
時升也 革三三彖天地革而四時成注云震春兌秋
四之正坎冬離夏則四時具 歸妹三三彖天地之大

義也注云震東兌西離南坎北六十四卦此象最備四
時正卦故天地之大義也九四遲歸有時注云震春兌
秋坎冬離夏四時體正故歸有時也 豐三三彖與時
消息注云豐之既濟四時象具 節三三彖天地節而
四時成注云震春兌秋坎冬三動離爲夏故天地節而
四時成也 繫上兩儀生四象注云四象四時也兩儀
謂乾坤也乾二五之坤成坎離震兌震春兌秋坎冬離
夏故兩儀生四象歸妹卦備故彖稱天地之大義也

四時象者卽卦氣家所謂方伯之卦也凡卦有六位
初至三爲一象四至上爲一象二至四爲一象三至
五爲一象凡有四象此四象中備有坎離震兌者謂

之四時象具豫初動震初爻正至四兌三爻正至五
坎離三爻皆正故曰四時爲正隨震下初爻正兌上
三爻正三四之正離下坎上三爻皆正正乎六位故
曰四時位正觀三上易位坎離三爻皆正故曰日月
象正升震初爻正兌三爻正二升五坎離三爻皆正
故曰四時象正歸妹一卦具坎離震兌四象故曰四
時體正唯恒本有震兌象若以變言之則至三不得
兌秋而云至三兌秋至三已得震春而云至四震春
益本有震象上來益三下離上坎不見兌象而云四
時象正二事未詳

十二月卦第十四

臨三三至於八月有凶注云臨消於遯六月卦也於周
爲八月荀公以兌爲八月兌於周爲十月言八月失之
甚矣 大過三三九二枯楊生稊注云陽在二也十二
月時周之二月按此謂
臨也兌爲雨澤枯楊得澤復生稊九
五枯楊生華注云陽在五也夬三月時周之五月枯楊
得澤故生華矣 解三三彖解險以動注云解二月物
咸孚甲萬物生震震出險上故免乎險也 損三三彖
應有時注云時謂春秋也損二之五震二月益正月春
也損七月兌八月秋也 益三三初九利用爲大作注
云大作謂耕播震二月卦日中星鳥敬授民時故以耕
播也 姤三三象后以施命誥四方注云復震二月東

方姤五月南方巽八月西方復十一月北方故以誥四方也孔子行夏之時經用周家之月夫子傳彖象以下皆用夏家月 井三三九五井冽寒泉食注云水自下出稱泉周七月夏之五月陰氣在下二已變坎十一月爲寒泉 繫上變通配四時注云謂十二月消息也泰大壯夬配春乾姤遯配夏否觀剝配秋坤復臨配冬謂十二月消息相變通而周於四時也 又言行君子之所以動天地也注云中孚文一月雷動地中 繫下龍蛇之蟄注云十月坤成十一月復生姤巽在下龍蛇蟄初 說卦言陰陽相薄也注云坤十月卦乾消剝入坤故陰陽相薄也

冬至坎卦用事春分震卦用事夏至離卦用事秋分兌卦用事

十一月未濟蹇頤中孚復 五月大有家人井咸姤

十二月屯謙睽升臨 六月鼎豐渙履遯

正月小過蒙益漸泰 七月恒節同人損否

二月需隨晉解大壯 八月巽萃大畜賁觀

三月豫訟蠱革夬 九月歸妹无妄明夷困剝

四月旅師比小畜乾 十月艮既濟噬嗑大過坤

四正爲方伯中孚爲三公復爲天子屯爲諸侯謙爲

大夫睽爲九卿升還從三公周而復始

右出魏書

正光術

十二月卦所謂卦氣也其說本於易緯稽覽圖坎離震兌用事皆八十分日之七十三以今有變十二辰得十辰百分辰之九十五幾十一辰故稽覽圖云四時卦十一辰餘而從也其餘消息及雜卦皆六日七分唯頤晉井大畜四卦在四正之前皆五日十四分所少於六日七分者卽四正卦用事數也其法以坎卦七十三分中孚六日七分并之適得七日合於經七日來復故稽覽圖云復生坎七日也推步家若漢劉洪乾象術魏楊偉景初術後魏張龍祥正光術李業興興和術其推卦氣並如上說無異議者自唐僧一行大衍術始改舊法以坎離震兌四卦二十四爻

爻主一氣餘六十卦卦皆主六日有奇今尋虞注震
二月凡三見未嘗云三月四月亦震用事也兌八月
凡二見未嘗云九月十月亦兌用事也蓋虞意與稽
覽圖及乾象等術合而不與大衍同

中弟十五

乾三三文言九二曰見龍在田利見大人何謂也子曰
龍德而正中者也注云中下之中二非陽位故明言能
正中也九三重剛而不中注云位非二五故不中也
隨三三九五象位正中也注云凡五言中正中正皆陽
得其正以此爲例矣

右以二五爲中

復三三六四中行獨復注云中謂初俗說以四位在五陰之中而獨應復非也四在外體又非內象不在二五何得稱中行耶

右以初爲中

益三三六三中行注云位在中故曰中行 漸三三二象其位剛得中也注云三在外體之中故稱得中乾文言曰中不在人謂三也

右以三爲中

以二五爲中者二爲內體之中五爲外體之中也以初爲中者董子以中者天地之大極極中也卽復之初也以三爲中者言在內也

正弟十六

既濟三三利貞注云六爻得位各正性命保合大和故利貞矣 繫下則非其中爻不備注云中正乾六爻二四上非正坤六爻初三五非正

凡卦六爻初三五爲陽位二四上爲陰位九爲陽爻六爲陰爻陽爻居陽位陰爻居陰位爲正陽爻居陰位陰爻居陽位爲不正令不正者皆變之正則成既濟定矣定之爲言亦正也

成既濟定弟十七

乾三三象注云已成既濟 按二四上之正成既濟 屯三三六二

注云三動反正謂成既濟定也 賁三三三象注云五上

動體既濟 咸三三彖注云初四易位成既濟 恒三

三彖注云初二已正四五復位成既濟定 家人三三

上九象注云謂三動上之三成既濟定 損三三六五

注云謂二五已變三上易位成既濟 益三三九五注

云三上易位已成既濟 夬三三九二注云二動四變

謂成既濟定也 升三三上六象注云謂初二已變成

既濟定 革三三彖注云四動成既濟定 漸三三初

六注云初失位變得正上九注云謂三變受成既濟

歸妹三三六五象注云三四復二之五成既濟 豐三

三彖注云五息成乾爲盈四消入坤爲虛豐之既濟

渙三三彖注云謂成既濟 按初二三上 節三三彖注

之正成既濟

云二動三出復位成既濟定 既濟三三利貞注云六
爻得位各正性命保合大和故利貞矣 繫下天下何
思何慮注云易无思也既濟定六爻得正故何思何慮
說卦然後能變化既成萬物也注謂乾變而坤化乾
道變化各正性命成既濟定 雜卦既濟定也注云濟
成六爻得位定也

上經終坎離下經終既濟未濟既濟坎離也坎離乾
坤之用也乾元用九而天下治既濟之謂也虞說諸
卦於爻之不正者例變之正故六十四卦皆得成既
濟

權第十八

家人三三上九象反身之謂也注云謂三動上之三成
既濟定故反身之謂 鼎三三上九象剛柔節也注云
謂三虧悔應上成未濟雖不當位六位相應 漸三三
上九其羽可用爲儀吉注云謂三變受成既濟已正也
與家人同義上之三得正離爲鳥故其羽可用爲儀吉
三已得位又變爻上權也孔子曰可與適道未可與權
宜无怪焉

爻當其位經也爻不正而變之正亦經也變正爲不
正則權矣公羊傳曰權者反於經然後有善卽易所
謂反身也未濟男之窮六爻皆錯乾道消滅反之而
成既濟是未濟亦有反身之道然則鼎之虧悔亦權

之善者哉

周易虞氏略例終

跋

易書廣大悉備言象數者首推漢孟氏學至虞仲翔參
伍錯綜曲闡厥蘊顧其學典午而後世不甚傳近世昌
明漢學始有能讀之者毘陵張皋文先生消息一書詳
則詳矣支離穿鑿讀者病之四香先生畧例之作簡要
有法虞義大明意蓋以箴張氏之失也是書向藏先生
門人張書城明經篋中茂苑欽君雲山嘉枝錄得之因
其商付剞劂以廣其傳世之讀虞易者可以得其要領
而無患乎瑣綴艱晦也已時

咸豐丙辰仲秋元和後學王炳識

聚學軒叢書第四集第二

周

易

倚

數

錄

二

卷

坪

圖

一

卷

周易合四聖人之手而成象取天地人物理判吉凶悔
吝統貫三才包涵眾有所謂潔淨精微奇而法也第其
閒理以象顯亦以數明自古易家多善言象漢儒若孟
喜推卦氣京房述占卜荀爽著世應焦贛測變化虞翻
主日月康成按星辰其最著矣唐宋以來王弼空談易
理後儒非之周邵取圖書而理有未安程朱宗德義而
象又太略無惑乎學易者俵俵無所之也夫象之於理
若影與形數之於理若身與目見物之有影而不識其
形知人之有身而不觀其目可乎傳云象也者像此者
也又曰易有四象所以示也又曰參天兩地而倚數象
其尙矣數不竝重歟伏羲畫卦文王演彖周公繫爻孔

子作十翼莫不有象卽莫不有數所謂數者非若道家之推衍術家之讖緯也什百千萬物數可憑幼壯強老人數可据日月星辰山川道里天數可步地數可稽是故聖人著之於易以見象與數不容偏廢而數與理不可相離也後無闡之者易道自明後有闡之者易學愈顯閒嘗紬繹經文彙參眾說久之恍有所得爰踵前賢之言象言理者專考其數擇而詳之凡百則釐爲二卷曰周易倚數錄其數之由算見者圖式於後附錄一卷時維咸豐十年庚申六月望日丹徒楊履泰子安氏自述於邗江東鎮之僑居

周易倚數錄目錄

卷上

八卦之數

萬物

六位時成

六龍御天

四德

六爻旁通

直方大

非一朝一夕之故

暢於四支

用九用六

雷雨之動滿盈

十年乃字

初筮告再三瀆

有不速之客三人來

邑人三百戶

終朝三褫之

王三錫命

原筮

王用三驅

三歲不興

四時不忒

先甲三日後甲三日

至於八月有凶

七日來復

至於十年不克征

十年勿用

三歲不得

明兩作

二氣感應以相與

四時變化而能久成

從一而終也

晝日三接

三日不食

照四國也

二女同居

睽

睽孤遇元夫

載鬼一車

往得眾也

百果草木皆甲坼

田獲三狐

二簋可用享

三人行則損一人

或益之十朋之龜

一握爲笑

三歲不覲

困

二女同居

革

天地革而四時成

革言三就有孚

震驚百里

躋於九陵勿逐七日得

天地不交而萬物不興

三歲不覲

豐

射雉一矢亡

田獲三品

先庚三日後庚三日

天地節而四時成

勿逐七日得

既濟

三年克之

三年有賞於大國

卷下

八卦相盪

一寒一暑

六爻之動三極之道也

一陰一陽之謂道

千里應違

二人同心

天一地二天三地四天五

地六天七地八天九地十

天數五地數五

五位相得而各有合

天數二十有五地數三十凡天地之數五十有五

大衍之數五十其用四十有九

分而爲二以象兩掛一以象三

揲之以四以象四時 歸奇於扚以象閏

五歲再閏故再扚而後掛

乾之策二百一十有六坤之策百四十有四凡三

百有六十當期之日

二篇之策萬有一千五百二十

是故四營而成易十有八變而成卦

八卦而小成

參伍以變錯綜其數

蓍之德圓而神卦之德方以智六爻之義易以貢

一闔一闢謂之變

易有太極是生兩儀兩儀

生四象

八卦定吉凶

變通莫大乎四時

易有四象所以示也

八卦成列象在其中矣因而重之爻在其中矣

天下之動貞夫一者也

陽卦多陰陰卦多陽 同歸而殊塗一致而百慮

萬夫之望 變動不居周流六虛

原始要終 兼三才而兩之故六

參天兩地而倚數 兼三才而兩之故易六畫

而成卦 分陰分陽迭用柔剛故易

六位而成章 數往者順知來者逆是故

易逆數也 一再三索

爲近利市三倍 大有眾也小畜寡也

上下兩卷計百則

算式附卷

第一圖積數疊法 第二圖方積圍法

第三圖圓積圖法

第四圖方形開方法

圖一

第五圖句股形句股積

圖二

第六圖長方句股相求法

圖三

第七圖累方算法

第八圖內容外切方圓倚

數法

第九圖句股方圓相容法

圖五

第十圖和較相求法

圖二

第十一圖測量算法

圖二

第十二圖測圓要法

圖二

第十三圖各圓形算法

圖七

第十四圖弧徑距度法

第十五圖天度高弧距地法

日景表

附卷計十五則

四十一圖

一表

周易集義

四

周易倚數錄卷上

聚學軒叢書第四集

丹徒楊履泰述

貴池劉世珩校刊

八卦之數

坎數一離數二震數三兌數四坤數六艮數七巽數八
乾數九中數五成數十

萬物

乾萬物資始坤萬物資生萬盈數也天地之間物有萬
類而皆統於元元一也萬雖盈數亦一也天地一元而
已繫傳言二篇之策萬有一千五百二十當萬物之數
也是六十四卦三百八十四爻合之亦一元也○周禮
開方法以一起數次則百成方次則萬成方次則百萬

成方若十若干若億皆不成方然則一卽萬而萬卽一理可知矣

六位時成

六位六爻之位時四時也陽爻九以四乘九厥數三十有六六其三十六爲二百一十有六乾之策也而卦成矣下文時乘與乘除之乘通○六爻其數五十有四以四乘之亦二百一十有六

六龍御天

龍陽物其脊三十有六鱗六龍則二百一十有六鱗合乾策數說卦云震爲雷爲龍龍與雷同氣月令春分雷乃發聲龍於是時始能上天乾卦純陽主四月距春分

震氣凡六十日故六龍御天也

四德

元亨利貞乾之全德也在五行爲木火金水在時爲春夏秋冬在人爲仁禮義智在卦爲震離兌坎在數爲三二四一合其數爲十十數之成也乾數起於一盛於三極於九成於十天地之所以成物人之所以成德莫不在此○乾之一三九皆圓象也圓數出於方四者方也有方斯有圓算理益著

六爻旁通

虞氏謂陽爻通陰陰爻通陽謂之旁通然則乾六爻共數五十有四旁通坤六爻共數三十有六合之得九十

九者陽之極十者數之成數成而仍返於九此卽陰陽相生義也餘如坎通離泰通否六十四卦之旁通皆九十也○每卦旁通厥數九十六十四卦共數五千七百六十兩而倍之得萬有一千五百二十與繫傳數合

直方大

周禮勾股之法所以知直知直則知曲開方之法所以知方知方則知圓知方圓曲直則無不知矣故曰大坤爲地地之體圓而理數則在直方二爻動則內卦爲坎坎數一一者元也元者大也象曰六二之動直以方也不言大而大已著

非一朝一夕之故

坤二爻動則內爲坎坎爲夕二與五應若五爻動則外爲離離爲朝今俱不動其非一朝一夕可知坤至二爻陰漸長矣陰之爲害不可以朝夕計雖坎離日月之光恐亦消蝕耳

暢於四支

坤數生於二極於十手足之指各十坤數之極也得陽氣而能運上承乾也故曰暢乾曰四德以人心言坤曰四支以人身言心靈象天身重象地地正位天中以承四時人正位地上以居四體

用九用六

漢儒以坎離爲乾坤二用京房虞翻輩皆然朱子謂老

陽爲九老陰爲六著策之數用九而不用七用六而不用八故曰此占卦之通例也然漢儒八卦之數以坎爲五以離爲十若言乾坤用坎離則是九用六用或用五用十而非用九用六矣朱子以占卦變爻爲用九用六指爲通例而不拘定乾坤亦非倚數之定旨今以算法合經文以明之陽極於九乾數也用九乘之則八十有一見一圖九之極也陰盛於六坤數也用六乘之則三十有一見一圖六之極也此乃所謂用也用九而曰羣龍无首者陽極當返於陰首在身一數也八十有一而无一則八十矣陰數也故吉用六而曰永貞者陰極當進於陽貞爲水亦一數也三十有六而歸於一則成一

大方矣陽數也故永是故象傳曰用九天德不可爲首也用六永貞以大終也

雷雨之動滿盈

動變動也屯六爻全變爲鼎以坎震變爲離巽離二巽八合之爲十十滿數也故曰滿盈定鼎之時在屯難之際象雖滿盈宜虛中以建侯不可自滿也

十年乃字

虞仲翔曰坤爲十爲年自二至四坤象也故曰十年字孕也孕必十月自二至上一坎象也坎爲月故曰字而屯之內卦爲震震爲長男亦有字象上文貞不字貞爲水一數也婦人從一而終故曰貞旣從一則應字今不

月易有數金卷一
字而至十年乃字此屯難之象非常道也故象曰反常也○字非筭字之字字者孳也育也乃生育之義王引之經義述聞論之綦詳

初筮告再三瀆

蒙內卦坎其數一爲萬數之端故曰初外卦艮自二爻至上有離象離數二故曰再自二爻至五有震象震數三故曰三坎水就下敎告之象故告離火震雷皆向上敎者俯就理無仰企故瀆外卦艮止尚何告焉

有不速之客三人來

需自三至上有坎離交互之象坎一離二合之爲三人得水火則正故虞氏以旣濟爲正故曰三人然需卦非

既濟變而之正尙有待焉今乃突來故曰不速陽爲來
乾三陽坎一陽故曰來

邑人三百戶

井田之法四井爲邑鄭康成曰夫三爲屋屋三爲里里
十爲井司馬法曰一家百畝九家爲井四井爲邑孟子
曰方里而井八家同井鄭以直起數司馬法及孟子皆
以方起數然其數不同總之四井爲邑井各九家則共
三十六家若井各八家則共三十二家今言三百戶似
與古制舛然所謂戶者非家之謂也古者一夫爲一戶
周禮注及史記所謂戶口是也鄭說夫三爲屋屋三爲
里是直數而一里之中已得九夫

一里直數爲
方里之邊

里十爲

井則共得九十夫

方里而井

四井爲邑則共得三百六十夫

卽三百六十戶言三百者舉大數也

一邑之地爲田三千六百畝以開方

法開之其方邊六十畝爲里者二爲屋者六爲夫者十有八以十八自乘得三百二十四夫

三百戶

而取象於訟者訟內坎外乾自三爻至上有巽象坎巽之卦井也其取於四井者坎一乾三合之則四故曰邑其在二爻者二居坎之中在乾之下人在天之下水之中則在田矣歸田則訟解故下文曰无膏也

終朝三褫之

離爲朝訟自二至上離象也至於上則日暮矣故曰終朝終者卒也卒字从衣故象輦帶至於卒訟則曲直判賞罰明故有錫與褫之象

柳翼南解說文卒字云裁衣之始爲初字从衣刀成衣之

終爲牽字从衣十十數之終也三禡云者乾三爻也乾
初始牽終字皆从衣其說甚精之九三曰終日乾乾此之上九曰終朝三禡一以惕无
咎一以訟受辱也

王三錫命

有坎之卦多取數於三蒙曰再三需曰三人訟曰三百
曰三禡比曰三驅解曰三狐困曰三歲旣濟曰三年未
濟曰三年坎之本卦亦曰三歲而此師卦曰三錫蓋坎
之中爻乾之中陽也陽盛於三故多取三師之二爻以
一陽在內而攝眾陰有承王錫命之象且一陽者萬數
所由歸也故象曰懷萬邦也

原筮

原再也如周禮原蠶原田之原蒙言再三而嫌其瀆比
言原筮而曰元永貞蓋離象顯於蒙之中蒙自二至上為離象故
無須再筮離象伏於比之下坎下伏離荀氏之說故必須原筮離
數二二者再也

王用三驅

外坎數居於一內坤數起於二是三也坎陽在外眾陰
率從有王者帥師驅而田禽之象周禮疏天子六師法乎坤順比內卦坤也
然坎下伏離其明不見故雖三驅而少離照此所以失
前禽也亦寓遊田之戒

三歲不興

同人之三爻離之三爻也離下伏坎離二見而坎一伏

數共爲三而不成三虞氏曰坎爲三歲今伏不見故曰不興

四時不忒

震生坤成震坤之卦備生成之義故豫象曰日月不過四時不忒

先甲三日後甲三日

虞氏納甲法巽象退辛艮象消丙皆陽退之卦也而丙在甲後辛在甲先辛壬癸三日也甲乙丙亦三日也離爲日蠱自三至上爲離象震數三蠱自三至五互爲震故曰三日夫艮丙後甲三日巽辛先甲三日而艮者又萬物所以成終而成始也蠱互震爲春含離爲夏而自

二至四又互兌兌秋也自初至四又含坎坎冬也四時
備矣時備而甲居幹首故彖曰終則有始天行也

至於八月有凶

臨爲丑月辟卦自丑至申其月八也申月辟卦爲否否
者泰之反也臨以二陽而望二陽之吉小往大來是爲
泰若過此而至於八月大往小來則爲否而有凶矣朱
傳一以爲遯謂是周正之八月一以爲觀謂是夏正之
八月此指未酉兩月耳殊不知由丑而申其月凡八如
律呂之義隔八相生亦由本月而八閱月也○彖傳言
消不久者陽來爲息陰往爲消言臨之時陰消陽息而
至於八月則陽往而陰來矣回憶臨之二陰消者時豈

[General Information]

书名=聚学轩丛书 第4集 周易虞氏略例 周易倚数录 (上下卷)

作者=

页数=86

SS号=11568828

出版日期=1982年10月第1版